

## ЎЗБЕК ТИЛИДА ТЕМПОРАЛЛИКНИ ИФОДАЛОВЧИ ЭТНОЛИНГВИСТИК ВОСИТАЛАР

Зиёдахон Ахророва Арабжон кизи  
Фарғона давлат университети магистри  
E-mail: [axgorovaziyodaxon@gmail.com](mailto:axgorovaziyodaxon@gmail.com)

### АННОТАЦИЯ

Ушбу мақолада ўзбек тилидаги темпоралликнинг ўзига хослиги ва уларнинг этнолингвистик таҳлили ҳақида фикр-мулоҳазалар келтирилган.

**Калит сўзлар:** темпораллик, миллий дунёқарааш, лексик сатҳ, этнолингвистик таҳлил.

XX аср сўнггида тилшунослик соҳаси майдонига “тил шахси” тушунчасининг киритилиши бугунги кунда когнитив лингвистика, психолингвистика, лингвокультурология, социолингвистика, прагмалингвистика, этнолингвистика каби инсон феномени муаммолари билан шуғулланувчи лингвистик йўналишларнинг шаклланишига олиб келди.

Тилни ўрганишга бу жихатдан ёндашув жаҳон тилшунослигига антропоцентризм ғояларининг кенг ёйилишига туртки берди.

Замон борликдаги барча нарса ва ҳодисаларнинг яшаш шаклларидан бири екан, у тилнинг ҳам яшаш, ривожланиш, амал қилиш шакли саналади. Шунинг учун ҳам у тилнинг ички тузилишида ўз ифодасини топади. Тилнинг барча сатҳ бирликлари замон белгисига ега. Хатто фонологик бирликлар ҳам ана шундай белгидан ҳоли емас. Масалан, унлилар қисқалик-чўзиқлик белгисига, ундошлар соддалик ва геминатлик белгисига эгаки, бу белгилар замон билан боғланади. Шундай екан, замон белгиси тилнинг ички тузилиши, барча сатҳ бирликлари учун хос бўлган универсал ҳодисадир. Тилшуносликда ана шу универсал ҳодиса темпораллик деб юритилади.

Ўзбек тилида вақт маъноси мустақил тил бирлиги (семема) ёки бошқа тил бирликлари семантикасининг ташкил етuvчиси (сема) сифатида мавжуд. Вақт семантикаси ўзининг лексик, грамматик, фонетик ифодаланишларига эга. Ўзбек тилшунослигига вақт маъноси пайт равишлари, вақт ма’ноли отлар, сифатлар, олмошлар, феъллар, юкламалар каби морфологик, пайт ҳоллари, вақт ифодаловчи конструкциялар сингари

синтактик йўналишларда ўрганилган ёки қайд қилинган.<sup>39</sup> Ўзбек тилшунослигига шу кунга қадар темпораллик барча сатҳларда қисман ўрганилди, жумладан лексик сатҳда хам. Лекин хали ўрганилиши керак бўлган жихатлар талайгина. Қуйида ҳозирги ўзбек адабиёти вакилларининг ижоди бўйича темпоралликнинг лексик сатҳда ифодаланишини кўриб чиқамиз.

Шоир Усмон Азим “Самарқанд бўйлаб тунги сайр” шеърида кутилмаган бир ўхшатиш ҳосил қиласиди, бу шеърдаги поетик таъсирчанликни, образлиликни юзага келтирган. Тун ва кун иборасидаги кун сўзи ўрнида унинг бир қисми ҳисобланган **нур** сўзидан фойдаланади:

—Самарқанд, илдизинг қайерда?  
—Кечангни чироқлар парчалаб ташлаган,  
тун билан нур ўртасида  
узун арвоҳлар -

Ўзбек тили лексем қатламида вақт маъносини ифодаловчи сўзлар жуда қўп бўлиб, улар турли даврлар мобайнида шаклланган ҳисобланади. Вақт маъносини ифодаловчи бундай нумератив сўзларни ўзи англатган маъносига кўра қуидаги гуруҳларга бўлишимиз мумкин(Усмон Азим шеърлари мисолида уларнинг маъносини ўзимизда яна бир бор кашф еэтамиз):

Фаслни ифодаловчи лексемалар: қиши, ёз, куз, баҳор. Фасл сўзи уч ойни ўз ичига олиб, йилнинг тўртдан бир бўлаги маъносини англатади.

У пайт палто киймас эди қиши,  
Қўлқопи йўқ эди кўлида,  
Қиши - ямоқли, ардоқли калиш -  
Оёқ қўйсанг - қорга кўмилар. (“Қиши”шеъри -б)

Бир йилда ўн икки ой мавжуд бўлиб, улар ҳам турли тилларда турлича номланади. Усмон Азим шеърлари таркибида ҳам улардан кенг фойдаланиш ҳолати кузатилади.

Ойни ифодаловчи лексемалар: ҳамал, ҳуд, савр, жавзо, саратон, асад, сунбула, мезон, акраб, қавс, жадий, далв. Булардан ташқари, ҳижрий- қамарий йил ойлари ва ҳижрий- шамсий йил ойлари ҳам қўлланилди. Масалан муҳаррам, сафар ва бошқалар. Январ, март

Юлдузлар ўтида бошим машъалдир,  
Ернинг зах қаърида оёқларим - муз.  
Йурагим - наврўз-у руҳим ҳамалдир,

<sup>39</sup> Ҳакимова М. Ўзбек тилида вақт маъноли лугавий бирликлар ва уларнинг матн шакллантириш имкониятлари: филол. фан. номз. ...дисс. автореф. -Фарғона. 2004. –Б.3.

Жонимда - саратон, қисматимда - куз. (шеъри -б)

Пайт тилда лексик ва синтактик воситалар ёрдамида ифодаланганда унинг маъноси яна-да аниқлашади. Ўзбек тилидаги бир йуз саксонга яқин вақт семантикали от лексемалар таҳлил қилинганда, мазкур лексемаларнинг вақт ифодалаш имкониятларнинг турлича еканлиги маълум бўлди. Бу еса “вақт” семасининг турли семалар таркибида турлича ўрин ва мақсадларда келиши билан бояликдир. Ушбу жараёнда сўзловчининг хоҳиш - истаги ҳам алоҳида аҳамиятга эгадир. Маҳоратли ижодкор У.Азим шеърларининг кенг қамрови орқали вақт семасини муайян бирикмаларга жойлаштирган. Унинг ташбеҳларидан “вақт” ифодасининг турли кирралари очилаверади. Масалан, “Тонг титрайди ...” шеъридаги қуийидаги мисрага эътибор қаратайлик:

“Йулдузларни ўчирмоқда гулгун шафақ ”

Бунда “тонг отмоқда” бирикмасини образли гап орқали ифодалаш ҳолати йуз бермоқда. Шунингдек, “Ёз” номли шеърида банд таркибидаги сўзлар ушбу лексемасиз ҳам фаслга хос семик майдонни ҳосил қилган .

Лоҳасланиб мудради кундуз

Гужумларнинг сояларида.

Ирмоқланиб ўзин отди муз

Бойсунтог‘нинг қояларидан.

Шеърдаги “лоҳасланиб” сўзининг изоҳли лугатда берилган маъноси орқали бу фикр яна-да аниқлик касб етади. Лоҳас тортмоқ - ланж, бўшашган ҳолатга тушмоқ. Иссик ўттиздан ошган кунлари, айниқса, лоҳас тортиб, дим хонада бўғилар едик. Ҳ. Гулом. Замин йулдузлари.

Иссикдан лоҳасланиб, каловлана бошланади. С. Кароматов, Сўнгги бархан.

Бундан кўриниб турибдики, У.Азим пайтни лексик ва синтактик воситалар орқали ифодалашга уринган, натижада бунга фаслнинг номидан фойдаланмаган ҳолда эришган.

## ФОЙДАЛАНИЛГАН АДАБИЁТЛАР РЎЙХАТИ: (REFERENCES)

1. Ҳакимова М. Ўзбек тилида вақт маъноли лувавий бирликлар ва уларнинг матн шакллантириш имкониятлари: филол. фан. номз. ...дисс. автореф. -Фарғона. 2004. –Б.3.
- 2.Усмон Азим. Соғинч.Шеърлар.2013 й.
- 3.Интернет манбалари. [www.ziyonet.uz](http://www.ziyonet.uz)